



ORDO BENEDICTIONIS
ABBATIS ET ABBATISSÆ

ORDO BENEDICTIONIS
ABBATIS ET ABBATISSÆ




PONTIFICALE ROMANUM

EX DECRETO SACROSANCTI ŒCUMENICI
CONCILII VATICANI II INSTAURATUM
AUCTORITATE PAULI PP. VI PROMULGATUM

ORDO BENEDICTIONIS
ABBATIS ET ABBATISSÆ

EDITIO TYPICA



TYPIS VATICANIS
MMX

Editio typica 1970
Reimpressio 1978
Reimpressio 2010

© «Copyright» apud Administrationem Patrimonii Sedis Apostolicae (A.P.S.A.)
in Civitate Vaticana

© Copyright 2010 - Libreria Editrice Vaticana - 00120 Città del Vaticano
Tel. 06.698.85003 - Fax 06.698.84716

ISBN 978-88-209-8406-9

www.libreriaeditricevaticana.com



SACRA CONGREGATIO PRO CULTU DIVINO

Prot. n. 1730/70

DECRETUM

Abbatem et Abbatissam monasterii, post eorum electionem canonice factam, benedicere, traditum est in usu liturgico Ecclesiæ, ut hac ratione manifestum sit universam religiosam familiam supernam gratiam invocare super eum, quem ducem sibi elegit in via perfectionis percurrenda. Volventibus autem sæculis ritus Benedictionis Abbatis et Abbatissæ sæpius formas singulis temporibus et locis proprias induit. Nostris ergo diebus opportunum visum est traditas formas recognoscere, ut ritus munus spiritale in clariore luce collocaret illius, qui religiosæ familiæ præest, iis demptis partibus, quæ ingenio hominum nostræ ætatis minus congruerent.

Præsentem igitur ritum Benedictionis Abbatis et Abbatissæ, instauratum, et a Summo Pontifice PAULO VI die 19 octobris huius anni 1970 approbatum, hæc Sacra Congregatio pro

Cultu Divino promulgat, ut pro ritu in Pontificali Romano nunc exstante adhibeatur.

Permittitur autem ut editio latina statim ac in lucem edita fuerit in usum assumi possit.

Conferentiæ Episcopates curent ut editiones lingua vernacula apparentur atque diem statuunt, quo eadem editiones, ab Apostolica Sede rite confirmatæ, vigere incipiant.

Contrariis quibuslibet minime obstantibus.

Ex ædibus Sacræ Congregationis pro Cultu Divino,
die 9 novembris 1970.

BENNO Card. GUT

Præfectus

A. BUGNINI

a Secretis

ORDO BENEDICTIONIS ABBATIS

PRÆNOTANDA

1. Benedictio Abbatis fiat cum religiosorum et fidelium, si casus fert, frequentia, die dominico vel festivo, nisi rationes pastorales aliud suadeant.
2. Benedictio Abbatis de more celebratur ab Episcopo loci in quo exstat monasterium. Sed, iusta interveniente causa et Episcopo loci consentiente, ab alio Episcopo, vel ab alio Abbate, Electus benedictionem recipere potest.
3. Electo assistant duo religiosi sui monasterii.
4. Expedit ut religiosi Electo assistentes, Abbates et religiosi sacerdotes et etiam alii sacerdotes præsentes cum Prælato qui benedictionem confert et cum Electo Missam concelebrent.
5. Si Electus in sua Abbatia et ab alio Abbate benedicitur, hic Electum modo benedictum invitare potest ut præsideat concelebrationi in liturgia eucharistica; secus Prælatus qui benedictionem contulit præsidet concelebrationi; quo in casu Abbas modo benedictus primum locum tenet inter ceteros concelebrantes.
6. Prælatus qui benedictionem confert necnon omnes concelebrantes sacras vestes induunt quæ ad Missæ celebrationem requiruntur. Electus induit omnia paramenta sacerdotalia necnon crucem pectoralem et dalmaticam. Religiosi Electo assistentes, si non concelebrant, induunt vestem choralem vel superpelliceum.
7. Benedictio anuli, baculi pastoralis et mitræ, tempore opportuno, ante ipsam benedictionem Electi de more peraguntur.
8. Præter ea quæ ad Missæ concelebrationem et ad communionem sub utraque specie ministrandam necessaria sunt, parentur: a) Pontificale Romanum; b) Regula; c) baculus pastoralis; d) anulus et mitra pro Electo, si ipsi sunt tradenda.
9. In liturgia verbi Prælatus qui benedictionem confert sedeat in cathedra; Electus vero inter religiosos sibi assistentes in presbyterio, loco aptiore.

10. Benedictio Electi fit de more ad cathedram. Si autem propter participationem fidelium opus est, paretur sedes pro Prælato qui benedictionem confert ante altare vel loco aptiore; sedes autem pro Electo et religiosis ei assistantibus sic parentur, ut actio liturgica a religiosis et fidelibus bene conspici possit.

DE BENEDICTIONE ABBATIS

LITURGIA VERBI

11. Omnibus rite dispositis, ordinatur processio per ecclesiam ad altare modo consueto. Ministrum librum Evangeliorum deferentem sequuntur presbyteri concelebrantes, deinde Electus medius inter religiosos sibi assistentes, postea Prælatus qui benedictionem confert, medius inter duos diaconos.
12. Liturgia verbi peragitur ad normam rubricarum.
13. Lectiones sumi possunt sive ex toto sive ex parte vel e Missa diei vel e Missa rituali pro benedictione Abbatis, iuxta rubricas.
14. Si Prælatus qui benedictionem confert intra ritum benedictionis allocutionem habet, ut suo loco proponitur, homilia omittitur.
15. Symbolum in hac Missa non dicitur. Item oratio universalis omittitur.

BENEDICTIO ABBATIS

16. Dicto Evangelio, vel expleta homilia, incipit benedictio Abbatis. Prælatus, qui benedictionem confert, ad sedem paratam sedet cum mitra.
17. Electus a religiosis sibi assistentibus adducitur ante eiusdem Prælati sedem, et ei reverentiam facit.
18. Unus e religiosis Electo assistentibus Prælatum alloquitur his vel similibus verbis:

Adest, Reverendissime Pater, Eléctus nostri monastérii **N.** Ordinis **N.** diocécis **N.**, quern ex parte convéntus eiúsdem monastérii dúximus præsentándum, humíliter postulántes, ut ipsum in Abbátem prædicti monastérii benedícere dignéris.

Prælatus illum interrogat, dicens:

Scitis illum rite eléctum fuisse?

Ille respondet:

Scimus et testificámur.

Praelatus dicit:

Deo grátias.

Si autem agitur de Abbate cui commissa est iurisdictio in territorium ab aliqua diócesi separatum, post interrogationem de electione rite peracta, Prælatius addit:

Habétis mandátum apostólicum?

Religiosus Electo assistens respondet:

Habémus.

Prælatius:

Legátur.

Tunc legitur mandatum, omnibus sedentibus. Quo perlecto, omnes dicunt:

Deo grátias.

19. Deinde Prælatius, omnibus sedentibus, breviter alloquitur religiosos ac populum necnon Electum.

20. Post allocutionem, Electus surgit et stat ante Prælatum, qui illum interrogat, his verbis usus.

Antíqua sanctórum Patrum institútio docet et præcipit ut is, qui ad régimen animárum vice Christi elígitur, examinári et interrogári debeat de diversis causis et móribus, quæ huic regímini cóngruunt ac necessária sunt. Eádem ígitur auctoritáte te, frater caríssime, interrogámus.

Vis sanctum propósitum tuum et sancti **N.** Regulam observáre atque fratres tuos ut idípsum fáciant diligénter instrúere,

et ita ad amorem Dei, ad vitam evangélicam et ad caritatem fraternam impellere?

Electus respondet:

Volo.

Prælati:

Vis conversatióne morum, doctrína et exémplo, factis magis quam verbis, fratres tuos edocére?

Electus

Volo.

Prælati:

Vis, salutem animarum tibi commissarum non parvipéndens, fratres tuos ad Deum perducere?

Electus

Volo.

Prælati:

Vis res monasterii tibi commissi fideliter custodire et ad usum fratrum, pauperum et peregrinorum sapienter dispensare?

Electus:

Volo.

Prælati:

Vis sanctæ Ecclesiæ ac Románo Pontífici eiusque successoribus fidem, obediéntiam et reveréntiam devóte et fideliter per omnia perpétuo exhibere?

Electus:

Volo.

Si agitur de Abbate habente iurisdictionem in aliquod territorium, Prælatius addit:

Vis plebem sanctam, cum comminístris tuis presbýteris et diáconis, ut pius pater, fovére et in viam salútis dirígere?

Electus:

Volo.

Prælatius:

Vis oves errántes ut bonus pastor requíreret et ovíli domínico aggregáre?

Electus:

Volo.

Prælatius:

Vis Deum omnipoténtem pro pópulo sancto indesinénter oráre et sine reprehénsiône pastorále munus tuum exercére?

Electus:

Volo.

Prælatius:

Hæc ómnia et univérsa bona tríbuat tibi Dóminus, ac te semper et ubíque custódiat.

Omnes dicunt:

Amen.

21. Deinde omnes surgunt. Prælatius, stans sine mitra, manibus iunctis, versus ad populum, dicit:

Orémus, fratres caríssimi,
ut Deus et Dóminus noster hunc fámulum suum **N.**,
qui ad fratrum suórum régimen eléctus est,
dono suæ gratiæ prosequátur.

Diaconus dicit:

Flectámus gēnuā.

Et mox Prælatus ante sedem suam genua flectit; Electus vero procumbit; ceteri autem genua flectunt.

Tunc cantores incipiunt Litanias, in quibus addi possunt, suis locis, aliqua nomina Sanctorum (ex. gr. Patroni, Tituli ecclesiæ, Fundatoris, Patroni eius qui benedictionem recipit, etc.) aut aliquæ invocationes singulis circumstantiis aptiores.

Kýrie, eléison.

Kýrie, eléison.

Christe, eléison.

Christe, eléison.

Kýrie, eléison.

Kýrie, eléison.

Sancta María, Mater Dei,

Sancte Michael,

Sancti Angeli Dei,

Sancte Ioánnes Baptísta,

Sancte Ioseph,

Sancti Petre et Paule,

Sancte Andréa,

Sancte Ioánnes,

Sancta María Magdaléna,

Sancte Stéphane,

Sancte Laurénti,

Sancte Ignáti Antiochéne,

Sancta Agnes,

Sanctae Perpétua et Felícitas,

Sancte Gregóri,

Sancte Augustíne,

Sancte Athanási,

Sancte Basíli,

Sancte Martíne,

Sancte Antóni,

ora pro nobis

ora pro nobis

oráte pro nobis

ora pro nobis

ora pro nobis

oráte pro nobis

ora pro nobis

ora pro nobis

ora pro nobis

ora pro nobis

ora pro nobis

ora pro nobis

ora pro nobis

oráte pro nobis

ora pro nobis

ora pro nobis

ora pro nobis

ora pro nobis

ora pro nobis

ora pro nobis

Sancte Benedícite,	ora pro nobis
Sancte Columbáne,	ora pro nobis
Sancte Beda,	ora pro nobis
Sancte Romuálde,	ora pro nobis
Sancte Bruno,	ora pro nobis
Sancte Bernárde,	ora pro nobis
Sancte Francísce,	ora pro nobis
Sancte Domínice,	ora pro nobis
Sancta Scholástica,	ora pro nobis
Sancta Clara,	ora pro nobis
Sancta Terésia a Iesu,	ora pro nobis
Omnes Sancti et Sanctæ Dei,	oráte pro nobis
Propítius esto,	libera nos, Dómine
Ab omni malo,	libera nos, Dómine
Ab omni peccáto,	libera nos, Dómine
A morte perpétua,	libera nos, Dómine
Per incarnationem tuam,	libera nos, Dómine
Per mortem et resurrectionem tuam,	libera nos, Dómine
Per effusionem Spíritus Sancti,	libera nos, Dómine
Peccatóres,	te rogamus, audi nos
Ut Ecclesiám tuam sanctam régere et conserváre dignéris,	te rogámus, audi nos
Ut domnum apostólicum et omnes ecclesiásticos órdenes in sancta religióne conserváre dignéris,	te rogámus, audi nos
Ut cunctis pópulis pacem et veram concórdiam donáre dignéris,	te rogámus, audi nos
Ut omnes, qui evangélica profiténtur consília, óperi redemptionis plénius sociáre dignéris,	te rogámus, audi nos
Ut in ómnibus famíliis tibi dicátis Christi caritátem et Fundatórum	

spíritum conserváre et augére
dignéris,

te rogámus, audi nos

Ut nosmetípsos in tuo sancto servítio
confortáre et conserváre dignéris,

te rogámus, audi nos

Ut hunc Abbátem eléctum benedícere
et adiuváre dignéris,

te rogámus, audi nos

Iesu, Fili Dei vivi,

te rogámus, audi nos

Christe, audi nos.

Christe, audi nos.

Christe, exáudi nos.

Christe, exáudi nos.

22. Litaniis expletis, diaconus dicit:

Leváte.

23. Omnes surgunt. Electus ad Prælatum accedit et ante eum genua flectit. Prælatus, extensis manibus, dicit:

Deus, Pater omnípotens,
qui Filium tuum unigénitum in mundum misísti,
ut homínibus ministráret,
et, pastor bonus, vitam suam pro óvibus tráderet,
súpplices te rogámus,

ut hunc fámulum tuum **N.**,
Abbátem huius monastérii eléctum,
benedícere ✠ et confortáre dignéris.

Concéde, quæsumus, ei, ut præclara conversatióne
eum se osténdat esse qui díctur,
quo salúbrius doctrína ipsíus ferméntum divínæ iustítiæ
in discipulórum méntibus conspergátur.

Sciat quidem, Dómine, quam difícillem rem ipse suscípiat,
et quam árduum sit onus régere ánimas
multorúmque móribus servíre;
sciátque sibi oportére prodésse magis quam præesse.

Magnópere igitur, te inspiránte, sollicitúdinem gerat,
et omni sagacitáte curet et indústria,
ne de óvibus sibi commíssis ullam amíttat;
sed cuncta semper témperet atque dispónat,
ut omnes, in amóre Christi
et caritáte fraternitátis iúgiter procedéntes,
in via mandatórum tuórum dilatáto corde festínent.
Spíritus tui, Dómine, ipsum implére dignáre munéribus,
ut ad glóriam tuam Ecclesiæque servítium
et se éxcitet, et fratres indesinénter impéllat.
Christo nihil omnínó præpónat,
nihil dóceat præponéndum,
quátenuis, illíus die adveniénte suprémó,
páriter cum frátribus suis regnum tuum cónsequi mereátur.
Per Christum Dóminum nostrum.

℟. Amen.

Vel, alia oratio

Exáudi, Dómine, preces nostras,
quas in conspéctu maiestátis tuæ
super hunc fámulum tuum **N.** effúndimus,
qui ad régimen huius congregatiónis eléctus est,
et vice Fílii tui óvium tuárum pastor statúitur.
Réspice eum et tríbue ei ómnia tuárum dona virtútum.
Aperi ei sapiéntiæ thesáuros,
unde próferat nova et vétera.
Gressus eius dírige in viam salútis et pacis,
et fac eum Fílii tui semper sequi vestígia,
ut æténa præmia cónsequi mereátur.
Per Christum Dóminum nostrum.

℟. Amen.

Vel, alia oratio

Réspice, quæsumus, Dómine, super hunc fámulum tuum **N.**,
quem ad régimen huius congregatiónis éligi voluísti,

atque eum benedícere ✠ et sanctificáre dignáre,
ut eius cogitátio et operátio
secúndum tuum beneplácitum dirigántur.
Caritátem Dei et próximi
frátribus verbo et exémplo insínuet,
et, licet a sǎculi áctibus sit aliénus,
hóminum necessitatibus, sive córporis sive ánimæ,
sit inténtus.

Opus Dei et sacras lectiões
frátribus commendáre non désinat,
et cum illis secúndum Evangélium conversétur,
ut omnes ad gáudia pervéniant ætérna.

Per Christum Dóminum nostrum.

℟. Amen.

Vel, alia oratio

Deus, Pater omnípotens,
qui Fílium tuum in mundum misísti,
ut ministráret et ánimam daret pro óvibus,
hunc fámulum tuum N.,
Abbátem huius congregatiónis eléctum,
benedícere ✠ et sanctificáre dignéris,
eíque concéde, ut onus árduum, quod súscipit ánimas regéndi
et multórum móribus serviéndi tuo auxílio exsequátur.

Magnópere sollicitúdinem gerat
de iis, qui sibi commíssi sunt, frátribus,
nec ullum ex eis pérdere patiátur,
ut, cum Dóminus in novíssimo die apparébit,
præmium suæ dispensatiónis accípiat.

Per Christum Dóminum nostrum.

℟. Amen.

24. Finita oratione benedictionis, Prælatus sedet cum mitra. Abbas modo benedictus ad eum accedit, qui Regulam ei in manus tradit, dicens:

Accipe Régulam a sanctis Pátribus tráditam
ad regéndos et custodiéndos fratres tibi a Deo commíssos,
quantum Deus ipse te confortáverit,
et fragílitas humána permíserit.

25. Prælatus anulum in digitum anularem dexteræ manus Abbatis modo benedicti immittere potest, dicens:

Accipe ánulum, fídei signáculum,
ut hanc congregatióem (vel hanc monachórum famíliam),
constánti virtúte præcínctus,
in fratérna caritáte custódias.

26. Deinde Prælatus potest imponere ei mitram, nihil dicens.

27. Ac tandem tradit ei baculum pastoralem, dicens:

Accipe báculum pastorálem,
et fratrum tibi commissórum gere sollicitúdinem,
pro quibus redditúrus es ratiónem.

28. Surgunt omnes. Si benedictio fit ab Episcopo vel, extra Abbatiam ipsius Electi ab alio Abbate, Abbas modo benedictus sedet primus inter concelebantes. Si vero benedictio fit ab alio Abbate et in ecclesia Abbatis modo benedicti, sedet in cathedra; ipse vero Abbas qui benedictionem contulit sedet ad dexteram Abbatis modo benedicti.

Si vero Abbas benedictus iurisdictione in aliquod territorium fruitur et in sua ecclesia benedicatur, Prælatus eum invitat ut sedeat in cathedra; ipse autem ad eius dexteram sedet.

29. Demum Abbas modo benedictus, deposito baculo, accipit a Prælato qui benedictionem contulit et ab omnibus Abbatibus osculum pacis. Si rerum adiuncta id permittunt, similiter faciunt religiosi et sacerdotes præsentés.

LITURGIA EUCHARISTICA

30. Omnia fiunt secundum Ordinem concelebrationis Missæ.
31. In fine celebrationis Missæ benedictio datur a celebrante principali; qui, si fuerit ipse Abbas modo benedictus, eam confert ritu pontificali.
32. Data benedictione, dum, pro opportunitate, canitur hymnus *Te Deum* vel alius cantus aptus, omnes processionaliter per ecclesiam revertuntur in sacristiam et recedunt in pace.

Si vero agitur de Abbate habente iurisdictionem in aliquod territorium, expleta oratione post communionem, canitur hymnus *Te Deum*, vel alius cantus huic respondens, iuxta locorum consuetudines. Interim Abbas nuper benedictus ducitur ab assistentibus per ecclesiam, et omnibus benedicit.

Finito hymno, Abbas nuper benedictus, stans ad altare vel ad cathedram cum mitra et baculo, potest populum breviter alloqui. Reliqua fiunt de more.

ORDO BENEDICTIONIS ABBATISSÆ

PRÆNOTANDA

1. Benedictio Abbatissæ fiat cum religiosarum et fidelium, si casus fert, frequentia, die dominico vel festivo, nisi rationes pastorales aliud suadeant.
2. Benedictio Abbatissæ de more celebratur ab Episcopo loci in quo exstat monasterium. Sed, iusta interveniente causa et Episcopo loci consentiente, ab alio Episcopo, vel ab aliquo Abbate, Electa benedictionem recipere potest.
3. Electa, cui assistunt duæ religiosæ sui monasterii, locum obtinet in presbyterio, extra clausuram, ita ut facile ad Episcopum vel Prælatum, qui benedictionem confert, accedere possit, et sacra celebratio ab omnibus, monialibus et fidelibus, videri et participari possit.
4. Præter ea quæ ad Missæ celebrationem necessaria sunt, parentur: a) Pontificale Romanum; b) Regula et anulus, si hic est tradendus; c) calix aut calices sufficientis magnitudinis pro communione sub utraque specie ministranda.
5. Benedictio Electæ fit de more ad cathedram. Si autem propter participationem fidelium opus est, paretur sedes pro Episcopo vel Prælato qui benedictionem confert ante altare vel loco aptiore; sedes autem pro Electa et religiosis ei assistantibus sic parentur, ut actio liturgica a monialibus et fidelibus bene conspici possit.

DE BENEDICTIONE ABBATISSÆ

LITURGIA VERBI

6. Antequam incipiat celebratio, Prælatus cum ministris et clero accedit ad portam clausuræ. Electa, cum duabus monialibus sibi assistantibus, exit et locum obtinet in processione ad ecclesiam immediate ante Prælatum.
7. Ritus initiales et liturgia verbi peraguntur ad normam rubricarum.
8. Lectiones sumi possunt sive ex toto sive ex parte vel e Missa diei vel e Missa rituali pro benedictione Abbatissæ, iuxta rubricas.

9. Si Prælatus qui benedictionem confert intra ritum benedictionis allocutionem habet, ut suo loco proponitur, homilia omittitur.

10. Symbolum in hac Missa non dicitur. Item oratio universalis omittitur.

BENEDICTIO ABBATISSÆ

11. Dicto Evangelio, vel expleta homilia, incipit benedictio Abbatissæ. Prælatus, qui benedictionem confert, ad sedem paratam sedet cum mitra.

12. Electa a monialibus sibi assistentibus adducitur ante eiusdem Prælati sedem, et ei reverentiam facit.

13. Una e monialibus Electæ assistentibus Prælatum alloquitur his vel similibus verbis:

Adest, Reverendissime Pater, Elécta nostri monastérii **N.** Ordinis **N.**, diocésis **N.**, quam ex parte convéntus eiúsdem monastérii dúximus præsentándam, humíliter postulánte, ut ipsam in Abbatíssam prædícti monastérii benedícere dignéris.

Prælatus illam interrogat, dicens:

Scitis illam rite eléctam fuisse?

Illa respondet:

Scimus et testificámur.

Prælati dicit:

Deo grátias.

14. Deinde Prælatus, omnibus sedentibus, breviter alloquitur moniales ac populum necnon Electam.

15. Post allocutionem, Electa surgit et stat ante Prælatum, qui illam interrogat, his verbis usus:

Vis sanctum propósitum tuum et sancti **N.** Régulam observáre atque soróres tuas ut idípsum fáciant diligénte instrúere, et ita ad amórem Dei, ad vitam evangélicam et ad caritátem fratérnam impéllere?

Electa respondet:

Volo.

Prælatius:

Vis sanctæ Ecclesiæ ac Románo Pontífici eiúsque successóribus fidem, oboediéntiam et reveréntiam devóte et fidéliter per ómnia perpétuo exhibére?

Electa:

Volo.

Prælatius:

Vis Ordinário tuo oboediéntiam exhibére in regímine monastérii tui, secúndum leges canónicas et constitutións Congregatiónis ?

Electa:

Volo.

Prælatius:

Vis conversatióne morum, exémplo et factis, magis quam verbis, soróres tuas edocére?

Electa:

Volo.

Prælatius:

Vis soróres tuas ad vitæ religiósæ traditió nibus fidelitátem et ad pópulum Dei arcána vitæ contemplatívæ fecunditáte apostólica dilatándum incitáre?

Electa:

Volo.

Prælatuſ:

Hæc ómnia et univérſa bona tríbuat tibi Dóminus, ac te ſem-
per et ubíque cuſtódíat.

Omnes dicunt:

Amen.

16. Deinde omnes ſurgunt. Prælatuſ, ſtans ſine mitra, manibus
iunctis, verſus ad populum, dicit:

Orémus, caríſſimi fratres et ſoróres,
ut Deus et Dóminus noster
hanc fámulam ſuam N.,
quæ ad huius monaſtéríi régimen elécta eſt,
grátíæ ſuæ dono proſequátur.

Diaconuſ dicit:

Flectámus génuſa.

Et mox Prælatuſ ante ſedem ſuam genua flectit; Electa quoque cete-
rique omnes ſuis locis genua flectunt.

Tunc cantores incipiunt Litanias, in quibus addi poſſunt, ſuis locis,
aliqua nomina Sanctorum (ex. gr. Patroni, Tituli eccleſiæ, Fundatoris,
Patroni eiꝯ quæ benedictionem recipit, etc.) aut aliquæ invocationes
ſingulis circumſtantiis aptiores.

Kýrie, eléiſon.

Kýrie, eléiſon.

Chriſte, eléiſon.

Chriſte, eléiſon.

Kýrie, eléiſon.

Kýrie, eléiſon.

Sancta María, Mater Dei,

Sancte Mícheal,

Sancti Angeli Dei,

Sancte Ioánnes Baptíſta,

Sancte Ioseph,

Sancti Petre et Paule,

ora pro nobis

ora pro nobis

oráte pro nobis

ora pro nobis

ora pro nobis

oráte pro nobis

Sancte Andréa,	ora pro nobis
Sancte Ioánnes,	ora pro nobis
Sancta María Magdaléna,	ora pro nobis
Sancte Stéphane,	ora pro nobis
Sancte Laurénti,	ora pro nobis
Sancte Ignáti Antiochéne,	ora pro nobis
Sancta Agnes,	ora pro nobis
Sanctae Perpétua et Felícitas,	oráte pro nobis
Sancte Gregóri,	ora pro nobis
Sancte Augustíne,	ora pro nobis
Sancte Athanási,	ora pro nobis
Sancte Basíli,	ora pro nobis
Sancte Martíne,	ora pro nobis
Sancte Antóni,	ora pro nobis
Sancte Benedícite,	ora pro nobis
Sancte Columbáne,	ora pro nobis
Sancte Beda,	ora pro nobis
Sancte Romuálde,	ora pro nobis
Sancte Bruno,	ora pro nobis
Sancte Bernárde,	ora pro nobis
Sancte Francísce,	ora pro nobis
Sancte Domínice,	ora pro nobis
Sancta Scholástica,	ora pro nobis
Sancta Clara,	ora pro nobis
Sancta Terésia a Iesu,	ora pro nobis
Omnes Sancti et Sanctæ Dei,	oráte pro nobis
Propítius esto,	libera nos Dómine
Ab omni malo,	libera nos Dómine
Ab omni peccáto,	libera nos Dómine
A morte perpétua,	libera nos Dómine
Per incarnatióem tuam,	libera nos Dómine
Per mortem et resurrectiόem tuam,	libera nos Dómine
Per effusiόem Spíritus Sancti,	libera nos Dómine

Peccatóres,	te rogámus, audi nos
Ut Ecclesiám tuam sanctam régere et conserváre dignéris,	te rogámus, audi nos
Ut domnum apostólicum et omnes ecclesiásticos órdenes in sancta religióne conserváre dignéris,	te rogámus, audi nos
Ut cunctis pópulis pacem et veram concórdiam donáre dignéris,	te rogámus, audi nos
Ut omnes, qui evangélica profiténtur consília, óperi redemptiόνis plénius sociáre dignéris,	te rogámus, audi nos
Ut in ómnibus famíliis tibi dicátis Christi caritátem et Fundatórum spíritum conserváre et augére dignéris,	te rogámus, audi nos
Ut nosmetípsos in tuo sancto servítio confortáre et conserváre dignéris,	te rogámus, audi nos
Ut hanc Abbatíssam eléctam benedí- cere et adiuváre dignéris,	te rogámus, audi nos
Iesu, Fili Dei vivi,	te rogámus, audi nos
Christe, audi nos.	
Christe, audi nos.	
Christe, exáudi nos.	
Christe, exáudi nos.	

17. Litaniis expletis, diaconus dicit:
Levate.

18. Omnes surgunt. Electa ad Prælatum accedit et ante eum genua
flectit. Prælatus, extensis manibus, dicit:

Deus, Pater omnípotens,
qui Fílium tuum unigénitum in mundum misísti,
ut homínibus ministráret,

et, pastor bonus, vitam suam pro óvibus tráderet,
súpplices te rogámus,
ut hanc fámulam tuam **N.**,
Abbatíssam huius monastérii eléctam,
benedícere ✠ et confortáre dignéris.
Concéde, quæsumus, ei, ut præclára conversatióne
eam se osténdat esse quæ díctur;
sciátque sibi oportére prodésse magis quam præesse.
Magnópere ígitur, te inspiránte, sollicitúdinem gerat,
et cuncta semper témperet atque dispónat,
ut omnes, in amóre Christi
et caritáte fraternitátis iúgiter procedéntes,
in via mandatórum tuórum dilatáto corde festínent.
Spíritus tui, Dómine, ipsam implére dignáre munéribus,
ut ad glóriam tuam Ecclesiæque servítium
et se éxcitet, et soróres indesinénter impéllat.
Christo nihil omnínó præpónat,
quátenus, illíus die adveniénte suprémó,
páriter cum soróribus suis regnum tuum cónsequi mereátur.
Per Christum Dóminum nostrum.

R. Amen.

Vel, alia oratio

Exáudi, Dómine, preces nostras,
quas in conspéctu maiestátis tuæ
super hanc fámulam tuam **N.** effúndimus,
quæ ad régimen huius congregatiónis elécta est.
Réspice eam et tríbue ei ómnia tuárum dona virtútum.
Gressus eius dírige in viam salútis et pacis,
et fac eam Fílii tui semper sequi vestígia,
ut ætéRNA præmia cónsequi mereátur.
Per Christum Dóminum nostrum.

R. Amen.

Vel, alia oratio

Réspice, quæsumus, Dómine, super hanc fámulam tuam **N.**,
quam ad régimen huius congregatiónis éligi voluísti,
atque eam benedícere ✠ et sanctificáre dignáre,
ut eius cogitátio et operátio
secúndum tuum beneplácitum dirigántur.

Caritátem Dei et próximi
soróribus suis verbo et exémplo insínuet,
et, licet a sáculi áctibus sit aliéna,
hóminum necessitatibus, sive córporis sive animæ,
sit inténta.

Opus Dei et sacras lectiones
soróribus commendáre non désinat,
et cum illis secúndum Evangélium conversétur,
ut omnes ad gáudia pervéniant æténa.
Per Christum Dóminum nostrum.

R. Amen.

Vel, alia oratio

Deus, Pater omnípotens,
qui Fílium tuum in mundum misísti,
ut ministráret et ánimam daret pro óvibus,
hanc fámulam tuam **N.**,
Abbatíssam huius congregatiónis eléctam,
benedícere ✠ et sanctificáre dignéris.
Magnópere sollicitúdinem gerat
de iis, quæ sibi commíssæ sunt, soróribus,
ut, cum Dóminus in novíssimo die apparébit,
præmium suæ dispensatiónis accípiat.
Per Christum Dóminum nostrum.

R. Amen.

19. *Finita oratione benedictionis, Prælati sedet cum mitra. Abbatissa modo benedicta accedit ad eum, qui Regulam ei in manus tradit, dicens:*

Accipe Régulam a sanctis Pátribus tráditam
ad regéndas et custodiéndas soróres tibi a Deo commíssas,
quantum Deus ipse te confortáverit,
et fragílitas húmána permíserit.

20. Anulus non traditur, si Abbatisa illum iam recepit in die suæ professionis et consecrationis.

Si vero Abbatisa anulum non recepit, Prælatus potest illum ei immittere in digitum anularem dexteræ manus, dicens:

Accipe ánulum, fidei signáculum,
ut hanc congregatióem, constánti virtúte præcíncta,
in fratérna caritáte custódias.

21. Tunc Abbatisa salutatur Prælatum, et ad sedem suam cum duabus assistentibus suis recedit.

22. Post Missam, dum, pro opportunitate, canitur hymnus Te Deum, vel alius cantus congruus, Prælatus Abbatissam ducit ad clausuram. Si Prælatus est Ordinarius loci et iurisdictionem immediatam habet super moniales, Abbatissam ad sedem in choro conducit et eam sedere facit, nisi Abbatisa hoc signum auctoritatis iam peregerit, immediate post electionem.

APPENDIX

LECTIONES BIBLICÆ

PRO MISSA RITUALI IN BENEDICTIONE ABBATIS ET ABBATISSAE

LECTIONES E VETERE TESTAMENTO

1. **Prov 2, 1-9:** «Inclina cor tuum ad cognoscendam prudentiam». Fili mi, si susceperis sermones meos ...
2. **Prov 4, 7-13:** «Viam sapientiæ monstrabo tibi». Principium sapientiæ ...

LECTIONES E NOVO TESTAMENTO

3. **Act 2, 42-47:** «Omnes qui credebant erant pariter et habebant omnia communia». Erant discipuli perseverantes in doctrina Apostolorum ...
4. **Eph 4, 1-6:** «Solliciti servare unitatem spiritus in vinculo pacis». Fratres: Obsecro vos, ego vinctus in Domino ...
5. **Col 3, 12-17:** «Caritatem habete, quod est vinculum perfectionis». Fratres: Induite vos sicut electi Dei...
6. **Hebr 13, 1-2. 7-8. 17-18:** «Obcædite præpositis vestris. Orate pro nobis». Fratres: Caritas fraternitatis maneat...
7. **1 Petr 5, 1-4:** «Forma gregis ex animo». Carissimi: Seniores qui in vobis sunt ...

PSALMI RESPONSORII

8. **Ps 1, 1-2. 3. 4 et 6**
℟ (Ps 39, 5 a): Beatus vir qui posuit Dominum spem suam.
9. **Ps 33, 2-3. 4-5. 10-11. 12-13**
℟ (12): Filii, audite me: timorem Domini docebo vos.
10. **Ps 91, 2-3. 5-6. 13-14. 15-16**
℟ (Cf. 2 a): Bonum est confiteri tibi, Domine.

ALLELUIA ET VERSUS ANTE EVANGELIUM

11. **Mt 23, 9 a. 10 b.**

Unus est Pater vester, qui in caelis est; et magister vester unus est, Christus.

12. **Col 3, 15**

Pax Christi exsultet in cordibus vestris, in qua et vocati estis in uno corpore.

EVANGELIA

13. **Mt 23, 8-12:** «Qui maior est vestrum, erit minister vester».

In illo tempore: Dixit Iesus discipulis suis: Nolite vocari Rabbi...

14. **Lc 12, 35-44:** «Constituit eum Dominus super familiam suam».

In illo tempore: Dixit Iesus discipulis suis: Sint lumbi vestri praecincti ...

15. **Lc 22, 24-27:** «Ego in medio vestrum sum sicut qui ministrat».

In illo tempore: Facta est contentio inter discipulos quis eorum ..

INDEX

Decretum S. Congregationis pro Cultu Divino	5
Ordo Benedictionis Abbatis	7
Ordo Benedictionis Abbatissæ	20
Appendix: Lectiones biblicæ pro Missa rituali in Benedictione Abbatis et Abbatissæ	29

